

傷
寒
百
問

傷寒百問卷三

第二十九問 往來寒熱者何也

往來寒熱者陰陽相勝也。陽不足則先寒後熱。陰不足則先熱後寒。大抵有三證。小柴胡湯。柴胡桂枝乾姜湯。并大柴胡湯也。仲景曰。血弱氣盡。腠理闊邪氣因入與正氣分爭。往來寒熱休作有時。小柴胡主之。又云。傷寒五六日中風。往來寒熱。胸脇苦滿。默默不欲飲食。心煩而喜不嘔者。小柴胡也。傷寒五六日已發汗後下之。胸脇滿小便不利。渴不嘔。頭汗出。往來寒熱心煩。柴胡桂枝乾姜湯也。傷寒十餘日熱結在

裡。往來寒熱者。大柴胡主之。

第三十問傷寒如瘡狀何也

形證似瘡。有太陽證。有陽明證。有婦人熱入血室證。太陽證形似瘡。一日再發。而脈洪大者。宜桂枝二錢黃一湯。傷寒八九日。如瘡狀。熱多寒少。其人不嘔。清便欲自可。日十二發者。麻黃桂枝各半湯。若脈微。而惡寒者。不可更發汗。宜桂枝二錢。越婢一湯也。有陽明證。煩熱汗出。如瘡然。日晡發熱。而脈浮虛者。與桂枝湯。脉實者。宜承氣湯。婦人熱入血室。其血必結。故使如瘡狀。小柴胡主之。

第三十一問如何是表證

發熱惡寒身體痛而脈浮者表證也雖然發熱惡寒證太陽病或已發熱或未發熱必惡寒若只惡寒不發熱者陰也於少陰中求之不可表也身體痛脈浮者當身體痛太陽病必惡寒體痛然亦不可表也少陰下利而身體痛亦不可表也却有病亂一證吐利不止身體痛不休者可用桂枝湯和解而脈浮者是表證可發汗浮者陽也其脉浮之又曰結胸證脉浮者不可下浮者表證也然病人腹間左右上下有禁道浮者病在表可發汗又曰表有病者脉當浮又曰脉浮而盛病在外寸口脉沉而緊曰病在中仲景云脉浮者病在表可發汗又曰表有病者脉當浮又曰脉浮而盛病在外寸口脉沉而緊曰病在中

頭眩汗在左不可發汗發汗則動氣在右則動氣在右不可發汗則經而渴心煩飲水吐水

與五苓散

三服，次服竹葉湯，動氣在上

汗則氣上衝，正宜李根湯，動氣在下

不可發汗，氣在上

不可發汗，氣在下，不可發汗

汗發汗則無汗，心中大煩，骨節頑寒，目連惡寒食郎

反吐，不得化。先服大補皮湯，吐止後，服小建中湯

傷寒，發表固當隨證輕重而汗之，然古人發汗四時

皆不同。春不可大發汗，以陽氣尚弱，不可亟奪，使陰

氣勝于時。天寒初解，營衛腠理緩，可用小柴胡輩，冬

不可汗者，以陽氣伏藏，不可妄擾，不問傷寒中風，并數服桂枝麻黃各半湯，或得少汗而解，或無汗自解。

病發汗者，不在此

夏月天氣大熱，玄府開，脈洪大，宜正發汗

但不可用麻黃桂枝性熱藥，須用桂枝麻黃，則內加

黃芩石膏知母升麻也

加葛根法，在傳寒。傷風門中

夏月有桂枝麻

黃，證不加黃芩，冀服之轉助熱氣，使發黃斑出也。白虎湯雖可川如前論治中暑與汗後一解利藥耳，一白虎未能逐表邪。况夏月傷寒熱病或氣虛人妄投白虎，往往有成結胸者以白虎性寒非治傷寒藥也。凡發汗欲令手足俱用熱然一時許爲佳不欲如水流離服湯中病即止不必盡劑然發汗須如常覆腰以下厚衣益腰以下難得汗雖得半身已上腰已下至足心微潤病終不解。凡發汗病證仍存者三日內可二三汗之令腰脚周遍爲度。

第三十二問如何是裏證

陽明證當下少陰證口燥咽乾當急下傷寒表證未
罷慎不可亂投湯劑虛其胃氣也須是腹滿身重不
惡寒惡寒者表證也反惡熱頭疼汗出手掌心并腋下熱熱
滋潤胃中乾涸燥糞結聚方可下也此所謂陽表證
已罷陽明證見固可下也若脈浮者亦未可下也脉
者是太陽陽明如此者可桂枝湯少發汗和解之安欲下之更須候三部脉沉實方下表證已
罷陽明證見脈沉實固可下他證若小便清與小便
少亦未可下仲景云傷寒不大便六七日頭疼有熱者宜承氣湯其小便清者知不在裏仍
在表也當發汗若頭痛者必衄宜桂枝湯陽明病或
汗或有汗大便雖硬小便少者味宜酸恐津液還入
胃小便自如不可攻之

小承氣二三劑，聽其腹中，若轉失氣，即有燥屎。

轉失氣。今

人謂之腹中鳴，乃可攻之。若不轉失氣，此爲緊，後溏，慎不可攻也。

明日又不大便，脈反微濶者，裏虛也，爲難治。若

少陰病二三日，口燥咽乾者，承氣湯急下之。非若陽

明，譖可緩也。

少陰主腎，腎屬舌本，傷寒熱氣入於舌，流

於少陰之經，胃汁乾，咽一路焦故，口燥咽

乾者，須宜急下之。若不口燥咽乾，雖然陽明證亦有，

陽明屬胃

而脉沉微者，須急溫之。宜四逆湯。

急下者，仲景云：陽明病發熱汗出多者，急下之。

陽明屬胃

汗多則胃津乾，更有心胃連，脇腹大段壅悶，或腹中疼痛，坐臥不安，冒悶喘急極者，亦不候。它證便須一下之，此蓋已急也。凡人便秘妨悶，恐有裏證者，須少

汗多則胃津乾，亦須急下也。

氣數下不可過
令大也

若失下則氣血不通四肢便寒醫人

不識却疑是陰厥復進四逆輩渴如反掌大抵熱厥
須脉沉伏而滑頭上有汗手掌常溫時復指稍溫便
可下之此皆仲景之玄旨也大率傷寒下後慎不可
服補藥孫真人云服大承氣得利差慎不可補也熱
氣得補復成更復下之是重困也宜消息安養之縱
當服藥亦須平和

第三十三問仲景有發汗者有和解者何也

傷寒表證須看營衛淺深故仲景有正發汗湯劑如
麻黃桂枝大青龍是也有和解其表如小青龍桂枝

麻黃各半湯白虎湯桂枝二越婢一湯柴胡桂枝湯
小柴胡之類是也。後人不能深究寒熱淺深藥性緊
慢一槩用藥因茲夭傷其間縱獲生全往往汗後虛
乏遂致勞復或變生百病淹引歲月卒至不救此皆
由汗下過度陰陽並竭血氣羸損以致此禍如遇病
輕但當和解之所謂和其營衛以通津液令其自解
也

第三十四問仲景有宜下之有微和其胃氣者何
也
傷寒裏證須看熱氣淺深故仲景有宜下之如大承

氣小承氣十棗湯大柴胡是也。有微和其胃氣如調胃承氣脾約圓少與小承氣微和之類是也。金匱玉函云虛者十補勿一瀉強實者瀉之虛實等者瀉勿大瀉之梅師亦云宿病老弱人使不令藥力相及爲佳耳故王叔和序傷寒有承氣之戒又問轉藥孰緊答曰大承氣最緊小承氣次之調胃承氣又次之大柴胡又次之

第三十五問傷寒不得汗何也

甲乙經云熱病脈常躁盛而不得汗者此陽脈之極也死脉躁盛而得汗者生大抵傷寒營衛俱病則無

汗麻黃葛根湯。大青龍湯。無憂散。主之。冬及正月。天氣尚寒。其時傷寒。不得汗。面赤。惡寒。發熱。身疼。可用。神丹圓。神白散。發汗。傷寒。連服七八劑。湯發汗。汗不出者死。如中風。法蒸之。溫熱之氣於外迎之。无不。得汗也。古今用有効。薪火燒地。良久。掃除去火。可以水洒之。取蠶沙。柏葉。桃葉。糠麩。皆可用。相和鋪燒地。上可側手厚上鋪席。令病人於上臥。溫覆之。夏月熱。只布單。覆之。汗移時立至。俟周身至脚心。皆汗。繫繫乃用溫粉。摸之。止汗移上床。最得力者。蠶沙。桃柏葉也。無蠶沙亦得。單桃葉。柏葉。亦得。蒴蘆。亦可用。穀穢。乃

助添令多者不用亦得

若汗多不止可加葛根本桂枝

踰不得臥者先服防風自

湯

第三十六問汗之而寒熱者何也

太陽證發汗後依前寒熱者須看脉如何若脉浮數或洪大則表證猶在當再表也如桂枝二麻黃一之類醫人爲見已汗或已下而發寒熱不敢再表誤矣

蓋脉浮爲在表表之必愈也

或大汗出熱不去惡寒若內拘急四肢參又下利居逆者

陽明也若脉實者可下之宜大柴胡大承氣也若發汗後只惡寒者虛也發汗後只發熱者實也

只惡寒屬芍藥

甘草湯子湯發若大病後勞復微發熱惡寒者小柴胡湯中加桂令微汗也

第三十七問汗之而仍發熱者何也

汗出輒復熱而脈躁疾不爲汗裏狂言不能食謂之陰陽交交者死也又曰熱病已得汗而脈躁盛者此陰脉之極也死其得汗而脈靜者生今汗之而仍發熱者若脉浮數則表證猶在汗之必愈也

大抵傷寒
熱者忌以

其寒極則熱生也表證然多者不可用溫藥表之仲景凡發然頭痛脉浮數身體痛即溫其表若腹滿下利嘔吐身體痛即溫其裏治傷寒之法尤以過也。小柴胡證不渴外有微熱者加桂及熱多寒少而脉微之類皆溫表之義也

發汗後不敢再表者爲脈沉實

耳脉浮者須再表也。發汗後不惡寒只發熱始脉浮大。今脈沉實始惺靜今狂語此爲胃實陽盛再汗之即死須下之設令下後又不解表裡邪不寒矣

仲景太云

渴布二日發汗不解蒸蒸發熱者宜調胃承氣湯和其胃氣也大醫云若傷寒得汗後熱不退發昏及狂言者便可用承氣湯下之立愈未差再服又有太陽證合行桂枝却用麻黃之類發汗多亡陽發熱惡風者屬桂枝加附子湯及真武湯更有風溫一證初得病發熱而渴不惡寒雖發汗已身灼熱者爲風溫屬萎蕤湯若傷寒得汗後已解虛羸微熱不去只可行竹葉石膏湯隨其虛

實治之

第三十八問下之而熱不退者何也

仲景云大發其汗使陽氣微又大下之使陰氣弱其人亡血而當惡寒後乃發熱無休止時大抵傷寒八日已上大發熱者爲難治又有醫人多用圓子藥下之身熱不去微煩者屬梔子乾姜湯陽明下之仍有外熱手足溫心中懊憹飢不能食但頭汗出者屬梔子豉湯陰弱發熱桂苓苦酒湯仲景又云太陽證服桂枝湯或下之仍頭項強倉脅發熱无汗心滿痛小便不利者桂枝去桂加茯苓白朮湯宜服此湯

第三十九問汗後有表證者何也

汗後有表證者，病未去也。汗出，脈洪大者，與桂枝湯。
若形似癟，一日再發者，屬桂枝二麻黃一湯。服桂枝
湯，汗出，煩渴不解，脈洪大，屬白虎加人參湯。發汗已
解，半日復煩，脈浮數者，屬桂枝湯。發汗後身疼，脈沉
遲者，屬桂枝加芍藥生姜人參湯。發汗病不解，反惡
寒者，虛也。屬芍藥甘草附子湯。發汗不惡寒，但熱者，
實也。當和其胃氣，屬調胃承氣湯。太陽病發汗後，大
汗出，胃氣乾，煩躁，不得眠。若脈浮小便不利渴者，屬
五苓散。又有發汗多，亡陽，惡風發熱者，如太陽病發
汗遂漏，不正惡風，小便難，四肢急難，以屈伸者，屬桂

枝加附子湯。太陽病發汗不解，發熱心悸頭眩身瞶動，欲擗地者，屬真武湯。

第四十問 下後有表證者何也

下後有表證者不應下也。太陽病下之微喘者外未解也。宜麻黃湯。太陽病先發汗不解而復下之，其脉浮，病不愈者，浮爲在表而反下之故不愈也。今脈浮故須解表則愈。宜桂枝湯。太陽病桂枝證醫反下之利遂不止。脉促者表未解也。汗出而喘者葛根黃芩黃連湯主之。時來緩時一止復來者名曰歸脈來數時一止復來者名曰促脈陽盛則促陰盛則止

之服桂枝復下之仍頭項強痛奮奮惡寒發熱无汗心下滿微痛小便不利者桂枝加茯苓白朮湯主之傷寒醫下之後身疼痛不解清便自調者急須救表宜桂枝湯陽明中風脉緊浮大而短氣腹都滿腸下引痛久按之不痛鼻乾不得臥一身及目悉黃小便難時時嘔耳前後脰刺之少差外不解者勿下之早宜麻黃湯

第四十一問病人有表證而脈微細者何也

有表證而脈沉細亦多般不可一槩作陽病見陰脉爲難治蓋太陽病發熱脉沉而細名曰痓太陽病關

節煩疼，脉沉而緩。名曰中濕。夏月伏暑，證外似傷寒，而脉虛，名曰中暑，不可不察也。非特此。仲景云：病人初得病，若發熱身體疼，師到診其脈，沉而遲者，知其差也。何以知之？若表有病者，脉當浮大。今脉反沉遲，故知愈也。又有得病數日，太陽隨經，脈微而沉者，當隨其證而治之。又有病人而爲醫所病，外證發熱惡寒，而脉微濫者，仲景云：病人脉微而濫，此爲醫所病也。大發其汗，又數下之，其人亡血，病當惡寒，後乃發熱無休止時。又曰：凡病下之後，發其汗必振寒。脉微細，所以然者，以內外俱虛故也。陽微惡寒，四逆輩。腹滿，腰熱為一熱病。

薯

湯告

又有太陽病得之八九日如瘡狀發熱惡寒
多寒少其人不嘔清便欲自可一日二三度發脈微
緩者爲欲愈也脈微而惡寒者此陰陽俱虛不可更
汗更下更吐也面色反有熱色者未欲解也以其不
能得少汗其身必痒宜桂枝麻黃各半湯又有太陽
病發熱惡寒熱多寒少脈微弱者此無陽也不可發
汗宜桂枝二越婢一湯又陽明少陽證近裡脈弦細
外證只發熱不惡寒者屬陽明也往來寒熱而嘔者
屬少陽也又曰得病二三日脈微者無太陽證也小
柴胡主之以此知有表證而脉沉細者不可一疑作

陽證見陰脉也

第四十二問表裡兩證俱見者何也

假令病人尿浮而大是表證當汗其人心下滿口不飲食是裏証當下此兩證俱見者俱看若煩渴躁熱小便赤澁四肢煩熱雖脈浮亦當下微和其胃氣若支節痛不引飲无煩渴手足微冷雖胸膈滿悶亦有表證而脈遲者即不可汗亦不可下宜以小建中理中湯調治之假令病人心下滿口不欲食大便硬脈細者是裏証當下其人頭汗出微惡寒手足冷都當汗此兩証俱見者仲景所謂半在裡半在表小柴胡

主之候令病人咽燥口苦脣滿而喘發熱汗出不寒反惡熱是陽明證當下其人脈浮而緊却當汗此兩証俱見者不可發汗汗之則心中躁讒語不可下下之則胃中空虛客氣動心中懊悶舌上有胎者仲景以梔子豉湯吐之亦宣
桂
湯此三證皆仲景治表裡兩證俱見法其它可以類推也千金救內解表三黃石膏湯亦治表裡兩證俱見之法也

第四十三問無表裡証者何也

傷寒四五日後以至過經無表證又於裏証未可下者但非汗証亦非下證者皆可小柴胡隨証加減用

之以至十余日者亦可用。十余日外用小柴胡不愈者。若大便硬看証而可用大柴胡下之。以過經其人氣稍虛當下者用大柴胡則穩蓋恐承氣湯太緊病人大禁也。仲景云病人無表裡證發熱七八日脉雖浮數可大柴胡下之假令已下脉數不解至六七日不大便者有瘀血也。屬抵當湯。又云六七日月中不了了暗不知無表裡證大便難身微熱此爲實也當下之宜承氣湯。

第四十四問表熱裏寒表寒裏熱者何也

表熱裏寒者病人身大熱反欲得衣被不飲水脈沉

而遲手或微厥下利清穀皆是表熱裡寒所以
亦有發熱者桂枝去芍藥加附子湯四逆湯通脈四
逆湯主之若內寒外熱虛煩者先與陰旦湯也桂枝
黃芩加乾姜
桂枝
去生表寒裡熱者病人身涼反不欲衣被尸燥
煩渴脉滑而厥皆表寒裡熱白虎湯主之若少陰惡
寒而踴時時自煩不欲厚衣用大柴胡下之無不愈
者此皆仲景之餘議也

傷寒百問卷三終

傷寒百問卷四

第四十五問如何是陽證

太陽陽明少陽皆屬陽證也。若陽氣獨盛，陰氣暴絕，發躁狂走妄言，面赤，咽痛，身班班，若錦紋，或下利赤黃，脉洪實，或滑促，名曰陽毒。宜用酸苦之藥，折熱復陰，加苦參、大青、葛藤、苦酒之類，令陰氣復而大汗解矣。芩、虧苦酒湯，葛根龍膽湯，冰解散，黑奴圓，陽毒散，抱龍圓，消溫散，承氣湯，三解毒升麻湯。

第四十六問如何是陰證

陰證者，頭微疼，而不甚，咽中痛。

邪客於少陰之經

或病而生者

身亦不熱

亦有熱者表熱裡寒

乃脈沉細也

甲乙無

邪生於陽者得之

風雨寒暑邪中於陰者得之

居處陰陽喜怒又曰感風虛邪者陽受之飲食不節

起居不時者陰受之陽受之則入腑陰受之則入臟

入六腑則身熱不時卧爲喘呼入五臟則瞑滿閉塞

下爲飧泄久爲腸澼大抵陰證者由冷物傷脾胃陰

經受之也口中味淡而色反唇皆白而無光手足冷

脈沉細情緒亦不因嗜欲但內傷冷物或損動胃氣

遂成陰證又問何故經中云一二日少陰病也

答曰此是初中病時腠理寒便入陰經戶惡寒不發

熱者是也。蓋寒氣入太陽經，則發熱而惡寒。入少陰

經，則惡寒而不發熱也。三陰中寒微，則理中湯加減。

又捨厥，或中寒下利，則乾姜甘草湯。

手足並頭微厥，冷謂之清此未

清脾四逆散故也

若大段重者，用四逆湯無脉者，用通脈

四逆湯也。近人多不識陰證，才覺胃膈不快，便喂食

藥，而有利，胃膈愈不快。又進食藥後，吐而利經一二

日，遂致不救。蓋不知是寒中太陰也。太陰脾之經主

胃膈腹脹，亂投食藥，非其治也。又問，萬一飲食不

節，胃膈不快，寒中陰經，以何法治之？答云，急作理

中湯，加青橘陳橘，則爲㕮咀服一二劑，胸膈即快。此

皆人所未論也

第四十七問有陰毒有少陰有陰陽易何以別之
陰毒之爲病初得病手足冷甚強咽痛瘻瘍不下
氣攻心心腹痛短氣四肢厥逆嘔吐下利體如被杖
陰毒甘草湯返陰丹正元散主之大抵陰毒本因腎
氣虛寒或因冷物傷脾外感風寒內既伏陰先感外
寒而內伏陰則內外皆陰而陽氣不守遂發頭痛腰
痺身體倦怠四肢逆冷額上及手背冷汗不止或多
煩渴精神恍惚如有所失三兩日間或可起行不甚
覺重診之則六脈俱沉細而疾尺部短小寸口或大

六部脉俱浮大或沉或之
大而不可甚疾者非陰證也

轉急也有此證者便須急服退陽散退陰散五勝散

一日或二日即安若陰毒漸深其候沉重四肢逆冷腹痛轉甚或咽喉不利或心下脹滿結硬煩渴虛汗不止或時狂言指甲面色青黑六脈沉細而疾一息七至已來有此證者速於氣海或開元二穴灸三二百壯以手足和緩爲効仍服金液丹來甦丹順元散兼黑附子散却陰散若陰毒已深病勢因重六脈附骨取之有舉之即死一息八至已上或不可數也至此則藥何難爲攻矣但於臍中用葱熨法或灼艾三

二百已來手足不溫者不可治也。如得手足溫即服
前硫黃及熱藥助之。若陰氣散陽氣來即漸減熱藥
而調治之。若陰毒結腫返陰丹主之。少陰之爲病脉
微細欲止不吐心煩但欲寐五六日自利而渴或小
便白增損四順湯黃連阿膠湯吳茱萸湯通脈四逆
湯四逆散桔梗甘草湯半夏散主之。陰陽易之爲病
其人身體重少氣令人陰腫入腸內絞痛婦人則裡
急腰膝連腹內痛名陰陽易也燒硯散獮鼠糞湯竹
皮湯乾姜湯青竹茹湯當歸白朮湯主之陰陽易者是男子婦人傷寒新差未平復爲交接成此訛也。其毒疫氣度著於人如換易之義。

第十八問三陰有可汗者乎

陰病不當發汗。發汗則動血，然太陰脈浮少陰發熱亦須微微取汗，但不正發汗耳。大抵風寒中人與營衛相薄而發熱又未曾行諸汗藥，雖無陽證須少汗解逐之。王叔和云表中風寒入裡，則不汙故短初病脉沉細數，雖表不消，蓋表中風寒須宜溫覆少汗而解桂枝湯。麻黃細辛附子湯。麻黃附子甘草湯皆陰證表藥也。

第四十九問三陰有可下者乎

三陰大約可溫，然有積證者方可下也。何謂積證？太

陰腹滿時痛，桂枝倍芍藥湯少陰口燥咽乾或下利。

清水心下痛或腹滿不大使大柴胡湯皆積證也。

第五十問三陰有發熱者何也？

太陰厥陰皆不發熱只少陰發熱有二證仲景謂之反發熱少陰初得病有發熱并裡寒外熱二證陰然陰證發熱終是不同脉須沉或下利手足厥也少陰病之身熱脈沉者麻黃細辛附子湯主之少陰病下利清夜裏熱手足厥逆四逆湯主之

第五十一問陰證似陽何以別之？

陰發躁然發厥物極則反也。大率以脉爲主華陀云諸數爲熱諸遲爲寒爲如此最驗也假令其人身體

微熱煩燥面赤其脉沉而微者皆陰證也身微熱者
裡寒故也煩燥者陰盛故也而戴陽者下虛故也若
醫者不看脉以虛陽上膈躁誤以爲實熱反與涼藥
則氣消成大病矣外臺祕要云陰盛發躁名曰陰躁
欲坐非中宜以熱藥治之仲景少陰證而赤者四逆
湯加葱白主之少陰病醫者強發汗血或從口鼻出者亦陰證似陽也

第五十二問陽証似陰何以別之

重陽必陰重陰必陽寒暑之變也假令手足逆冷而
大便秘小便赤或大便黑色其脉沉而滑者皆陽證
也四肢逆冷此是伏熱深故厥亦深速用大承氣湯

加減劑下之。汗出立差。仲景所謂厥者此也兼熟厥與陰厥自不同。熱厥者微厥即發熱。若陰厥即不發熱。四肢逆冷惡寒脉沉而細大小便滑泄矣。

第五十三問身冷脉細沉疾煩躁而不飲水何也。傷寒陰盛陽者病人身冷脉細沉疾煩躁而不飲水者是也。若欲引飲者非也。不欲飲水者宜服霑靈散。須臾躁止得睡汗出即差。此藥通散寒氣然後熱氣上行汗出乃愈。火燔散丹砂丸並主之。

第五十四問手足逆冷者何也。

厥者逆也。陰陽不相順接。手足逆冷也。陽氣衰陰氣

盛陰勝於陽故陽脈爲之逆不通於手足所以逆冷也傷寒熱多厥少者其病當愈厥多熱少者其病爲進然有冷厥有熱厥當子細辨認冷厥者初得病日便四肢逆冷脉沉微而不數足多擗卧而惡寒或自引衣蓋復不飲水或下利滑穀或滑便自調清便自如大便或小便數外證多惺惺而靜脉雖沉實按之遲而弱者知其冷厥也四逆湯症中湯通脈四逆湯當歸四逆加茱萸生姜湯白通加桂枝湯皆熱厥者初中病必身熱頭痛又別有陽證可謂周也熱厥者初中病必身熱頭痛又別有陽證至二三日乃至四五日方發厥兼熱厥者厥至半日却身熱蓋熱氣深則方能發厥須在二三日後也若

微厥，即發熱者，熱微故也。其脈雖沉伏，按之而滑，爲裡有熱。其人或飲水，或揚手擲足，煩躁不得眠，大便秘，小便赤。外證多昏憒者，知其熱厥也。白虎湯、承氣湯、附子湯用之

白虎湯、承氣湯、附子湯用之

仲景云：傷寒一二日至四五日，厥者必發熱，前熱後

必厥。厥深者，熱亦深。厥微者，熱亦微。應下之而反發

汗者，口傷赤爛，熱厥當下，故云厥應下之者。若反發汗必口傷赤爛也。

又有下證悉具，而見四逆者，是失下後血氣不通，四肢便厥。

醫人不識，却疑是陰厥，復進熱藥，稠如反掌，大抵熱厥須脉沉伏，而滑頭上，有汗。其手雖冷時復，指甲溫須，便用承氣湯下之。不可拘忌也。手足逆冷皆屬厥陰，不可下。不可汗。

然有須下。有須汗。証者。謂手足雖逆冷時。有時手足掌心必煖。非正厥逆也。當消息之。若病人

寒熱而厥。面色不澤。冒昧。而兩手忽無厥。或一手無

厥者。必是有正汗也。多用綿衣包手足。令溫煖急服

五味子湯。或兼與麻黃細辛甘草湯之類。服之。時

必大汗而解矣。或傷寒厥逆而心下怔忡者。宜先治

水。當服茯苓甘草湯。却治厥。不爾。水漬入胃。必下利

也。又有病人手足厥冷。厥乍結者。邪氣結在胃也。心

下滿。而煩飢不能食者。病在胸中。當吐之。宜瓜蒂散

葢。病在胸中。亦能令人手足厥。但認厥乍結者是也。

陰虛則結。厥來緩時。一止。若傷寒發厥。至七八日。脣

復紅。目結。主留溼煩躁。

冷而躁，无時暫安者，爲藏厥。此爲難治。又問仲景

少陰四逆湯又有四逆散何也。答曰大抵少陰病

不可便用熱藥，且如少陰病亦有表熱者，仲景謂之

晚發熱，用麻黃細辛之類以發汗，終不成少陰證，便

不得發汗耶。今少陰病四肢冷亦有內熱者，仲景用

四逆散是也。四逆湯用附子乾姜而四逆散主四逆

也。其人或歎或悸，或小便不利，或腹中痛，或泄利下

重，已上病皆熱證耳。

第五十五問吐長蟲，何也？

蛇厥者，臟寒，蛇上入腸，其人吐蛇也。此是厥陰證，或

病人有寒復發其汗，冒中冷及因發汗後身熱重，發其汗，冒中虛冷故長蟲逆上。烏梅丸主之。

第五十六問兩感傷寒其治法如何

兩感者表裡俱病也。太陽與少陰爲表裡。陽明與太陰爲表裡。少陽與厥陰爲表裡。陰陽雙傳，臟腑俱病。此爲難治。六日而死矣。

一日太陽與少陰俱病則頭痛口乾煩渴而渴二日陽明

與少陰俱病則腹滿身熱不欲食，諸言三日少陽與厥陰俱病則耳聾聾縮而厥。仲景無治法。但云兩感病俱作治有先後。發表攻裏本自不同；尋至第三卷中言傷寒下之後，後下利不止。身疼痛者急當救裡，宜四逆湯。後身體疼痛，清便自調者急

當救表，宜桂枝湯。遂以意尋此，倣幼治兩感，有先後宜先救裡。若陽氣內正，即可醫也。內才正，急當救表。蓋內在爲急才，溫內則急救表亦不可緩也。傷寒惟爲必不死，設有諸異證，能消息湯藥，無不愈者。其有死者，乃醫殺之耳。

第五十七問潮熱者何也

潮熱者大率當下。仲景云：潮熱者實也。大承氣湯證內云：其熱不潮，未可與也。則知潮熱當下無疑矣。雖然更看脉與外證。脉若弦若浮，及外證惡寒，猶有表證，且與柴胡以解之。若腹大滿，不通者，可與小承氣，微和其胃氣，勿令大泄也。仲景云：日晡發熱者，屬陽明也。脉實者，大承氣。大柴

湖也。脉逆縱使潮熱當行，大承氣亦須先少與小承

氣若不轉失氣不可攻之。後發熱腹硬者大柴胡下

之。又有日晡發潮熱已而微利者又有微發熱潮熱

而大便溏者或潮熱而噦者皆當用小柴胡也

傷寒十一

二日不解。胃屬滿而嘔。日晡發潮熱已而微利者實也。尤服小柴胡以解外。後以大柴胡湯下之。陽明潮熱大便溏。胃滿不去了。小柴胡主之。冬陽明潮熱當行黃芩湯。冬陽明脈浮者必盜汗。黃芩湯也。又問已上潮熱並屬陽明也。太陽有潮熱乎。仲景大陷胸湯一證結胸有潮熱者爲大結胸屬太陽也。

第五十八問頭疼者何也

頭疼者，陽證也。太陽證麻黃桂枝之，若已發汗，未
發汗，頭痛如破者，連鬚葱白湯服而不止者，葛根葱
白湯主之。陽明證頭疼者，胃實故也。陽明氣實，調胃
故攻頭也

承氣主之。少陽證小柴胡主之。太陰少陰經，但不至
頭，唯厥陰經，挾胃屬肝，絡膽循喉嚨上頸，額連目出
額，故太陰少陰並無頭疼之證。仲景只有厥陰一證，
吳茱萸湯治乾嘔吐涎沫，頭疼而已。大越屈三陽者，
頭疼爲多也。若日次頭疼及發寒熱脈緊而不大，即
是膈上有涎，宜用瓜蒂末一錢，唆水調下，吐涎立愈。
又問病人頭疼鼻塞，而煩者，何證也？此屬濕家頭

中有寒濕故。兎塞而頭疼。內瓜蒂。末鼻虫則愈。

第五十九問身體痛者何也

太陽少陰厥陰皆有身體痛。當以外證與脉別之。太陽證表未解。脈浮緊者。當身體痛。宜麻黃桂枝之類。以汗之。風溫相搏身僵者當於中醫門中求之若脈沉而自利。身體痛者。陰證也。急當救裏。宜四逆湯。附子湯。真武湯之類。以溫之。陰毒身如蒸鴻當於陰毒門中求之又問發汗後身疼痛。脈沉而遲者。當用何藥。仲景有桂枝加芍藥生姜人参新加湯。蓋爲此證也。小建中湯亦兼治汗後身疼。脈沉而遲者。若霍亂吐瀉止而身疼痛不休者。少與桂枝。

湯則愈

第六十問汗出者何也

汗出有九證

唯太陽傷寒無汗，蓋督衛俱病故也。

不知有汗

病人發无汗時發熱自汗出而不愈者
稱不知也先其時發汗則愈屬桂枝也。太

陽病發熱汗出者此爲督別衛經

故汗出欲致風邪者宜桂枝也。中風有汗

太陽病發熱汗出身灼熱者名風溫

風出風溫有汗

太陽病發熱而渴不惡寒者爲

身中風

風濕有汗身灼熱者名風溫

厥汗而細汗出短氣

小便不利難經謂之中溫者太陽證也。中寒

者病是也其人汗出寒熱而渴

陽明病有汗不惡寒反惡熱武藏然汗自出者屬陽明

病汗出多而渴者不可與五苓散以汗多胃中燥

芩甘草湯也若陽明病汗出多而渴者不可與五苓散以汗多胃中燥猪

苓微利其小便故也。故仲景云陽明病發熱汗多急下之雖然陽明汗多急下小便自利者此爲津液多而諸證者亦不可下只與柴胡桂枝湯和其營衛以通津液恐大便作燥屎攻之故也亡陽有汗陽明汗出而惡寒表未解也宜桂枝微汗之若脈寸俱緊而汗出亡陽也此屬少陰法當咽痛而復吐利其人熱不去內拘急四肢寒厥逆而惡寒者四逆湯主之而惡寒者名柔痓也霍亂有汗吐利汗出發熱惡寒而惡寒者四逆頭目嘔背反張汗出而不得汗者名柔痓也陽明病多汗而亦有反無汗之證陽明病多汗逆湯主之雖然少陰不得汗而亦有反自汗出之證也陽明病多汗而亦有反無汗之證陽明病多汗逆湯主之也行皮中狀者此以久虛故也又陽明病反汗者汗但小便利二三日而然手足厥甚者必苦頭疼若不飲不嘔手足柔軟者頭不疼也陽明病无汗小便不利心中懊憹必當發黃

第六十一問但頭汗出者何也

病人表實裏虛玄府不開則陽氣上出汗見於頭基會之凡頭汗出者五內乾枯胞中空虛津液少也。慎不可下下之者謂之裏虛然但頭汗出者有數證被火而頭汗出者其身發黃陽盛則爲少陰虛小便難陰陽俱虛竭身體則結熱生頭汗出肩頸而還寒滿微喘口乾咽燥或不大便久則謬語甚者至嘔手足燥擾撓衣摸床小便不利者其人不治陽明被火額上微汗出而小便不利者濕家爲病但頭汗出者濕家俱頭汗出而必發黃下利之甚則嘔或腹滿小便不利舌上生苔此丹田有火然胸上有寒渴欲得飲而不能飲口燥煩故也濕利者死若下利不止者亦死不發黃但頭汗出者陽家下之額上汗出微喘小便不利者死

水病，但頭汗出，身无汗，齊頭面還小便不利，渴欲熱人。
血室而頭汗出者，此爲暴熱，在裡，身必發黃。茵陳湯主之。

汗出，則血虛，婦倚其肩，微水結在胸膈間，而頭汗
出者，傷寒，結無大咎者，以水結在胸膈，往來寒熱。

而頭汗出者，柴胡桂枝乾姜湯主之，心煩者，下傷懷飢，不
能食，但頭汗出者，仲景之治法，並無下之者也。

第六十二問咽乾者何也

咽乾者，慎不可發汗，發汗則重亡津液也，少陽證口
苦，咽乾者，小柴胡主之，少陰證口燥，咽乾者，急下之。
又於他證可求之，傷寒又有口乾者，太陽證甚，渴而口乾者，白虎湯主之，小便不利。

者五芩散主之，甘桔湯
者烏梅丸主之。

第六十三問咽喉痛者何也

咽喉痛有兩證，脈浮數而赤，班班如錦文，咽喉痛，唾
腥血者，此陽毒也。脈沉遲，手足厥冷或吐利，而咽中
痛，此之陰證也。病源云：此爲下部脉郁不至，陰陽隔
絕，形客於足少陰之絡，毒氣上衝，故咽喉不利，或痛，
而生瘡也。傷寒脉陰陽俱緊，及汗出者亡陽也。此屬
少陰當咽痛而復吐利，此候汗下薰炙俱汗出者，某
本物傳之。咽喉痛者，桔梗湯，猪膏湯，半夏散，通脈四
逆去芍藥加桔梗湯主之。又有伏氣之病所謂非時，

有暴寒中人，伏氣於少陰經。始不覺病，旬月乃發。脈微弱，法先咽痛，似傷寒非喉瘡之病。次必下利，始用半夏桂甘湯。次四逆散主之。此病只一二旬便差。古方謂之努傷寒也。

傷寒百問卷四終

傷寒百問卷五

第六十四問嘔者何也

嘔屬胃足陽明經也。足陽明之氣下行，今厥而上行

故爲氣逆。氣逆則嘔。仲景云：嘔多，雖有陽明證，慎不可下。蓋爲此也。

大抵胃中有熱，穀氣入胃與熱相并，可下。

氣逆則嘔。

黃連湯、黃芩芍藥加半夏湯、生姜湯、半根參門冬湯。

多冷，陽氣微，胃中虛冷，亦嘔。

理中湯、茯苓生姜湯、干姜黃芩黃連人參湯。

諸數爲熱，諸遲爲寒，當以脈別之。然膈氣虛則脈數

也。數爲客陽不能消穀。胃中虛冷，脉亦數。當問病人

曾與未曾汗下。更以餘證別之。嘔而發熱者，小柴胡

也。太陽病過經十餘日，柴胡證仍在者，先與小柴胡嘔止；少安。若其人復嘔，心下急，鬱鬱微煩者，與大柴胡，下之即愈。嘔而脇鳴，心下痞者，半夏瀉心湯主之。嘔而發渴者，猪苓湯也。先嘔却渴者，此爲欲解急，與之。先渴却嘔者，爲水停心下，此屬飲家。仲景云：本渴飲水，而嘔者，柴胡不可與也。宜治膈間有水。小半夏加茯苓湯。孫真人云：凡嘔家多服生姜，此是嘔家聖藥。若少陰厥陰發嘔，則外證與脉皆寒也。灸厥陰白通湯、真武湯，附子加生姜湯四逆加生姜湯主之。傷寒差後嘔者，有餘熱在胃脘也。枳术丸、竹葉加生姜。

湯主之。若病人直患嘔吐，而復脚弱，或疼，乃是腳氣
入心也。當作脚氣治之。金匱方治脚氣衝心，用礬石二兩，漿二斗，水一煎三五湯服。

脚氣

第六十五問吐者何也

吐有冷熱二證。脈數，引飲食已即吐，手心熱，胸膈煩躁，以熱在胃脘，細辛半夏湯黃連湯竹葉湯乾葛半夏湯五苓散主之。本道不下者，由心一經受熱而小便不利故也。宜服五苓散，桂枝附子湯，自利後，小腹行小便通，心經伏熱，自下則水入，不吐也。

又曾經汗下，胃中虛冷，食久反出，理中湯去，木加生姜，也甘草乾姜湯小半夏湯，仍吐不止者，半硫黃來

附录 卷之三
丹溫胃丸最良。若病到陰經，須門、須利手足，自利脈沉，而遲，喟，翕吐，四逆湯，吳茱萸湯，乾姜黃芩黃連人參湯主之。又問，小兒吐者何也？小兒尋常吐逆，療之久，不差，在苒，多時遂成慢驚，定吐，救生丸主之。若胃虛，發吐不止，羸困者，用大丁香丸，无不愈者。

第六十六 問乾嘔者何也

乾嘔者，今人所謂嘔是也。傷寒乾嘔者，熱氣在於脾胃也。胃中畜熱，熱氣上薰，則心下痞結，故乾嘔也。桂枝小青龍，小柴胡，十乘甘草湯心湯，若少陰證，胃氣虛，亦乾嘔當溫之也。白通四逆茱萸湯，金匱要略半

夏乾姜散橘皮湯乾嘔而利者黃芩加半夏生姜湯主之

第六十七問咳嗽者何也

傷寒咳嗽有兩證有太陽證咳嗽小青龍小柴胡是也有少陰證咳嗽真武湯四逆湯猪苓湯是也大抵太陽證熱在上焦其人必飲水水停心下則肺爲之浮肺主於熱水氣乘之故咳嗽小青龍湯加五味子細辛干姜湯頭疼發熱而嗽者小柴胡湯去人參加大棗生姜五味子乾姜肺寒咳嗽聲重多涕者溫肺湯降氣湯若少陰證咳嗽四支沉者痒痛小便不利

自下利而咳。真武湯加五味子細辛乾姜也。四又服逆。腹中痛。或泄利而咳。四逆湯加五味子乾姜也。下利而嘔。煩渴不得眠而咳。猪苓湯主之。天行時氣咳嗽。外臺千金方詳。

第六十八問。臭衄者何也。

衄血者。熱證也。火來。金而血上溢也。傷寒太陽。證衄血。有陽氣重故也。仲景所謂陽盛則衄。若脉浮緊無汗。脈濶不中病。萬人發煩。目眶劇者。必衄。小衄而脉浮者。宜麻黃湯也。衄後脉已微者。不可行也。若脉尚浮。自汗。服湯不中病。桂枝證尚在。必頭疼甚。而致

衄，小衄而脉尚浮者，再與桂枝也。衄後脉已微者，不可行也。大抵傷寒衄血，不可發汗者，爲脈微故也。苦參湯、地黃湯、百合散主之。服湯已，衄血不止者，用茅花湯，即差。又法用好緊白龍骨，不以多少研，令極細，塞鼻中，血止則已。然不若茅花之妙也。傷寒之病，差後小勞便復衄。牡蠣散主之。又問陰證有衄血者乎？陰證自無熱，何緣有衄？若少陰病，但厥無汗，強發之必動血，未知從何道出？或從口鼻，或從耳目，是謂下厥上竭，爲難治。

第六十九問吐血者何也

傷寒吐血，由諸陽受邪熱，初在表，庶有汗而不發汗，熱毒入深，結於五藏內，有瘀積故吐血也。犀角地黃湯三黃丸主之。又問非傷寒證吐血者，其治法如何？始粉散不過再服。若虛勞肺嗽吐血羸瘦，口苦咽乾，又不可服涼藥者，黃蓍湯主之。

第七十問渴者何也

脈浮而渴，屬太陽，傷寒表不解，心下有水氣而渴者，小青龍去半夏，加瓜樓根，太陽病服桂枝，大汗出，後煩渴者，白虎加人參。若脈浮，小便不利，微熱消渴者，

五苓散傷寒四五日身熱惡風，脇下滿，手足溫而渴者小柴胡去半夏，加人參桔梗根，主之。太陽證身體灼熱而渴者，屬風溫也。於風溫中可求之有汗而渴屬陽明，陽明病腸下硬，不大便而嘔，舌上有胎，而渴者小柴胡去半夏加人參桔梗根，陽明病但頭汗出，小便不利渴，引水漿，身必發黃，宜茵陳湯。自利渴，屬少陰傷寒熱，入於藏，流於少陰之經，少陰主腎，腎惡寒，故渴而引飲，少陰下利，故而嘔渴，猪苓湯主之。下利欲飲水者，以有熱故，白頭翁湯主之。一切戒太陽證無汗而渴者，不可與白虎湯。仲景云：渴欲飲水，無表

證者白虎加人參湯脈浮發熱無汗是表未解也不可與白虎也五苓散小青龍小柴胡陽明證汗多而渴者不可與五苓散汗多胃中燥煩，猪苓復利其小便故也薏苡竹葉

汗多胃中燥煩，猪苓復利其小便故也

薏苡竹葉

湯與之仲景云陽明病發作有時汗出多者急下之

然太陽病渴終不可與白虎耶太陽證得汗後脉洪

大而渴者方可與之也陽明病渴終不可與五苓耶

陽明證小便不利汗少脉浮而渴者方可與之此皆

仲景之玄旨也凡病非大渴不可與水若小渴咽乾者少呴濡潤之令胃中和若大渴煩燥甚能飲一斗者與五升飲之若全不與則乾煩無由作汗發喘而

死常人見因渴飲水得汗小渴遂劇飲之致停飲心下溝結喘死者甚衆當以五苓散或陷宵丸與之若陽毒倍常躁盛大渴者黑奴丸主之中暑伏熱深累取不差其人發渴不已酒蒸黃連丸主之又問小兒非傷寒證瀉利引飲不已百方治之不差奈何此疳證也急作疳治之稍緩即唇齒俱落溫疳丸麝香丸主之

第七十一問煩者何也

傷寒煩者由陰氣少陽氣勝故熱而煩在太陽證脉浮者宜汗麻黃湯桂枝大青龍湯柴胡桂枝湯二之

然太陽證自汗小便數，心煩，即不二表也，在陽明證，脉實者宜下大柴胡調胃承氣，小承氣承氣主之，然病已差，尚微煩，必大便硬，當問其小便日幾行，若小便少津液當還入胃，不須攻，也在少陽證當和表，小柴胡去半夏人參加桔梗根，柴胡桂枝乾姜湯，若傷寒六七日無大熱，其人煩燥者此茯苓湯黃連阿膠湯止之，凡病傳陰經，須吐利而煩，黃連阿膠湯止，煩兼利，利也然有汗之而煩者服桂枝湯，大汗出後，而其煩不解，脈洪大者白虎加人參湯發汗，已脈浮數，瘧渴者五苓散陽明病本有汗出，醫更發汗，大

便硬微煩者以上津液胃中有燥矣也當小便不利
若發汗後復煩脉浮者更可發汗有下之而煩者甚
苓四逆湯乾姜附子湯梔子厚朴湯梔子乾姜湯柴
胡桂枝乾姜湯主之有發汗吐下已後府藏俱虛而
熱氣不散虛煩者梔子豉湯梔子甘草湯竹葉湯又
有病已解而又煩者此出病新差不勝殺折殺則愈
若吐利脈微發厥而煩者當於少陰中求之黃連阿
膠湯白通加猪膽湯猪苓湯竹葉湯

第七十二問躁者何也

躁有陰證有陽證當子細辨之脉洪實或滑促大熱

大便秘小便赤者陽躁也。脈微細足逆冷大便利者陰躁也太陽證煩躁大率宜汗。陽中風見寒脈傷寒見風脈汗不出加煩躁者大青龍主之太陽病發汗後大汗出胃中乾煩躁不得眠欲飲水者少與之令胃氣和則愈若脉浮小便不利微熱消渴五苓散主之仲景云傷寒得病先熱但狂言煩躁不安精采不與人相當勿以火導之但以五苓散二文且服之當與新汲井水飲一升許卽令猪刺喉吐去之病隨手愈若不能吐者多強與水水停則結心下當以瓜蒂散吐之陽明證煩躁大率宜下病人不大

便五六日繞脅痛煩躁發作有時者此有燥矣故也
得病二三日脉弱無太陽柴胡證煩燥心下硬至四
五日雖飲食以小承氣少少與微和之令小安陽毒
散亦主熱病心躁陰證煩躁宜急溫之陽氣弱爲陰
所乘而躁乾姜附子湯茯苓四逆湯吳茱萸甘草干
姜湯主之昔人有患傷寒身冷脈微手足厥而躁甚
醫以艾湯調硫黃末數錢與之即時安卧良久睡起
汗出而愈傳信方治陰毒傷寒煩躁迷悶不至誤入
急用附子一枚可半兩者立効作四片生姜一大塊
擘作三片如中指長糯米六撮三匙以水一大升煎

取六分，去滓，如人體溫，頻服之。厚覆蓋，汗出，人不出候，心神定，即別消息，服藥，慎不得另以水，如渴，將滓再煎，與喫。今人多用有効。若傷寒脉微，而厥至七八日，膚冷而躁，无時暫安者，此爲藏厥，仲景无治法。

第七十三問發黃者何也

病人寒濕在裏，不敢熱，蓋於脾腎，腠理不開，瘡熱與宿穀相搏，鬱蒸不消化，故發黃。然發黃與瘀血外證及脈俱相似，但小便不利爲黃，小便自利爲瘀血。發黃之人發熱引飲，脉浮大滑實，而繫數，若瘀血證，多發狂，大便必黑，此爲異耳。凡病人身體發熱渴引，木

漿

以其寒熱
發於心肺

小便不利。頭面汗出，齊頸而止。如此必

發黃。茵陳蒿湯五苓加茵陳散枳殼大黃散。病人服

湯得小便如皂莢汁赤一宿，腹減則黃從小便出也。

古人云：凡治濕之病不利小便，非其治也。梔子蘋皮

湯、麻黃連翹赤小豆湯主之。又方傷寒欲發黃者急

用瓜蒂末口含水搖入鼻中出黃水甚驗。便用五苓

茵陳湯尤良。

茵陳末十分
五苓末五分

又問白虎証身體熱煩渴

引飲小便不利，何以不發黃也？答曰：白虎証與發黃

證相近，但遍身汗出，此爲熱越必下。冬月白虎湯主

之。大抵發黃須是頭面汗出，頭二下都无汗，外

臺黃疽部，并千金治黃家，小便不通，而赤色自不出。此爲表和裏實宜下之。大黃黃檗木，或石湯主之。漢贊南方暑濕近夏，痘熱古人以黃爲藥，濕熱相搏，民多病痘，甚爲脚腫也。

第七十四問發班者何也

發班有兩證，有溫毒發班，有胃爛發班也。溫毒發班者，爲冬月溫暖，人感東戾之氣，未即病發，至春或被積寒所折，毒氣未得泄，至天氣喧熱，溫毒始發，則肌肉斑癩，痘疹如錦紋而咳，其治法在溫毒門中。若胃爛發班者，傷寒未下，即發班下早，亦發班，蓋不當下。

而下之。然米廬入胃當下而失下，則胃熱不得泄，所以皆發斑也。凡發斑不可用表藥，蓋表虛裏實，若一發

其汗，重令閑波更增，班爛表虛故也。玄參升麻湯大

青龍四物湯紫雪化斑湯白虎加人參湯龍脂丸

加人參名化斑湯，出其青黃更陽寒，發斑無它，只是

紫雪丸亦佳也。
熱氣在藏府攻腸胃裏，先而成瘡，方發出外赤者，易治黑者難治，益毒氣入胃深故也。

第七十五問發狂者何也

發狂有三證：陽毒發狂，蓄血發狂，外狂。其外證與脉皆不同，病人面赤，咽痛，脈洪大滑數，大便

多小

便赤須躁狂走或見鬼神者陽毒也桂枝大黃湯浴腸湯黑奴丸主之病人无表證不妄言胸腹滿唇燥但欲漱水不欲嚥其脈微而沉但如熱狀煩滿口燥其脉反無熱此爲陰伏是瘀血也小腹硬滿小便不利大便必黑身黃發狂血證諦也太陽病不解熱結膀胱其人如狂其血必自下下者愈須解其外宜桂枝湯血上逆則喜忘血下者則內爭甚者抵當湯輕者犀角地黃湯芍藥地黃加大黃黃芩湯桔梗大黃湯主之大抵當汗不汗熱蓄在裏熱化爲血其人喜忘而如狂須由抵當湯取盡黑物爲効未盡再服

若火邪發狂，醫以火於臥床下或周身用火迫劫，汗出或變而成火邪，其人亡陽，煩躁驚狂，卧起不安。桂枝去芍藥加蜀漆牡礪龍骨救逆湯桂枝甘草龍骨牡礪湯主之。凡灸及燒針後證似火劫者並用火劫治之。金匱風引湯尤良。柴胡加龍骨牡蠣湯更捷。

第七十六問譏語者何也

病人言語錯謬有虛實二証。鄭聲屬虛當用溫藥治之。譏言屬實當行大柴胡承氣湯服承氣湯而譏語不止者即勿服不爾再服之。世多不辨。苟謂之狂言亂道尤不可不別也。仲景云實則譏舌虛則鄭聲。重者

譏散不知高下也。譏語者有然譏而鄭聲亦相以難誠信多狂言心誠之事也。辨者更須用外證與脈別之。若大手足冷脉微細者必鄭聲也。大便秘小便赤手足溫脉盛實者必譏語也。以此相參然後用藥萬全矣。然有火迫譏語者有三陽合病譏語者白虎湯證有胃實譏語者大承氣調胃承氣湯玄参升麻湯主之外臺承氣湯尤經無芒硝有已得汗身和譏語者柴胡桂枝湯主之此爲津液不利。譏語者柴胡加龍骨牡蠣湯有婦人熱入血室。

譏語者婦人傷寒發熱經水適來晝日明了暮則譏語如兒鬼狀者此爲熱入血室尤犯胃氣及上二焦速用小柴胡治之若行湯遲熱入胃令津液上焦中焦不榮血成結胃狀須當針期門也婦人中風發熱惡寒經水適來七八日熱除而脈遲身涼胃脹下滿如結胷狀譏語者此爲熱入血室也當刺期門隨其實而取之已上二焦熱結在期門也若犯胃氣晝夜不語喜忘小腹滿小便利屬抵當湯證有下利而譏語者調胃承氣湯小承氣湯大便利者貞連解毒湯傷寒譏語妄語自當有熱而反四逆脉沉細者

第七十七 問病人但漱水不欲吐何也

病人頭疼身熱口燥但漱水不欲吐必衄也。黃芩湯主之。若胃滿唇痿舌青口燥但欲漱水不欲吐無寒熱爲有瘀血必發狂也。輕者犀角地黃湯芍藥地黃加大黃黃芩湯甚者抵當湯主之。

第七十八 問腹脹滿者何也

太素云胃中寒則腹脹滿素問曰藏寒生滿又曰藏火不及寒乃大行民病驚濁腹滿食飲不下寒中腸鬲以此觀之腹脹滿者大率寒證也桔梗半夏湯尤良仲景太陽證發汗後腹脹滿者厚朴生姜半夏甘草

人參湯下後心煩腹滿，卧起不安者，桔子厚朴湯。若陽明證腹滿而喘，大便硬，有潮熱者，大承氣湯主之。此後腹脹滿者，與調胃承氣湯少陰病六七日腹滿不大便者急下之，宜大承氣湯。厥陰証下利，腹滿身體疼痛者，先溫裏乃可攻表，溫裏四逆湯攻裏桂枝湯。

第七十九問腹痛者何也

難經云：痛者爲實，故有仲景桂枝加芍藥湯。痛甚者，加大黃、大抵腹滿而痛者，此爲實，宜桂枝加芍藥湯。即是小建中也。太陰脈弱，自利設當行大黃芍藥者。

宜減之。其人胃虛，陽氣易動故也。下利者先煎芍藥。上余漏，雖然腹痛有二證，有虛痛者，不可不辨。也。人脉弦，腸鳴泄利而痛者，虛痛也。當行小建中湯。四逆加附子湯。真武湯。通脉四逆加芍藥湯。四逆散。桃花湯也。小建中湯偏治腹中虛寒，補氣血，尤此腹痛大抵腹痛按之不痛者爲虛。腹滿時減復如故者爲寒虛寒之證。當用溫藥按之而痛大便不通爲實。當用大黃瀝下之。小建中外臺治虛勞腹痛夢遺失精。四支酸疼手足煩熱，咽乾口燥，兼治婦人小腹痛。仲景云陽脉濡陰脉弦，當腹中急痛，宜與小建中湯。

實痛者小柴胡去黃芩加芍藥主之此二藥皆主腹
痛關脉實腹滿按之痛者實痛也當行小柴胡去黃
芩加芍藥湯桂枝大黃湯加黃連湯大承氣湯也可
大便硬是若心胃連脅腹大悶疼坐卧不安冒
悶喘急用承氣急下之

第八十問 痞者何也

病發於陽在表下之早因爲結胃發於陰發於三陰下之
早因爲痞心下滿而硬痛者爲結胃但滿而不痛者
爲痞蓋結胃與痞似是而非若同可見上以痛不痛
爲異耳醫不審一有差互立致人死爲知是痞上先

用桔梗枳殼湯，桔梗枳殼但行氣下膈。先用之，心不
驗也。結胷與痞，關脉須皆沉。若關浮者，不可下。仲景
云：心下痞。按之濡，其關脉浮者，大黃黃連瀉心湯主。
之痞有二種：有滿而硬者，桂枝人參湯；大柴胡湯、瓜
蒂散；甘草瀉心湯、小柴胡湯；十紫湯、旋覆代赭湯。陽
明病心下硬滿，不可攻之，利不止死。有滿而濡者，半
夏瀉心湯；大黃黃連瀉心湯；小柴胡加干姜湯。若不
滿不硬，但覺心下妨悶者，非痞也，謂之支結。心下支
結，小柴胡加桂湯主之。胷脹滿微結，小柴胡加干姜
牡蠣湯主之。更隨證看病，冷熱於瀉心湯選用。冷證

如附子瀉心湯理中湯之類。熱證如大黃黃連瀉心
湯五苓散之類。凡痞與瀉心湯痞不解其人渴而口
燥煩小便不利者五苓散主之。腸下痞硬者属小柴
胡也。若脅下不快者於小柴去棗加牡蠣主之。然有
下利而心下痞者十全湯大柴胡湯生姜瀉心湯甘
草瀉心湯赤石脂禹餘粮湯桂枝人參湯有惡寒而
心下痞者附子瀉心湯病未解者桂枝湯大黃黃連
瀉心湯仲景云太陽陽明醫發汗遂發熱惡寒因復
下之心下痞表裏俱虛陰陽並竭無陽則陰胃煩面
色青黃虛膈者難治今微黃手足溫者易愈也。陽

病寸緩關浮尺弱其人發熱汗出而惡寒不嘔且心下痞者此以醫下之也。有嘔吐而心下痞者大柴胡湯甘草瀉心湯十棗湯小柴胡湯小半夏加茯苓湯以屬問有故也有頭疼而心下痞者及汗出而心下痞者十棗湯凡痞服瀉心湯不愈乃可用大陷胃湯下之

傷寒百問卷六

第八十一問結胷者何也

病發於陽，反下之熱入，因作結胷。傷寒在表，爲醫被誤，踈轉熱氣乘虛而入，布結不散，便成結胷。若已轉了，初未成結，急頻與理中湯，自然解了，更不作此証。蓋理中治中焦故也。此古人亦說不到，後來人消息得之。若大腹轉損，有厥證者，兼與四逆湯，便安。胃中雖和，傷寒熱未退者，即候日數足，可下，却以承氣再下之。蓋前時下得未足故也。其脉口下緊滿，按之石硬，而痛項強，如柔痓其脈寸口浮關尺皆沉，与沉

緊名曰結胃也治法大率當下仲尼云下之則少然
脈浮與大皆不可下之下之則死汗也然却
無治法今脈浮是尚有表證須以小柴胡湯等先發
表表証去方用下結胃藥便安西晉崔行功云傷寒
結胃欲絕心膈高起手不得近用瀉心大陷胃湯皆
不差者此是下後虛逆氣已不理而毒復上攻氣毒
相搏結於胃中當用加減理中丸理中丸內枳實十
六片數炒茯苓二兩蜜丸如鷄子黃大連進二三服
胃中豁然矣用藥之速未見如此渴者更加桔梗二
兩下者加牡蠣二兩先理其氣次療諸疾古今用之

如神應手而愈然。結胃有三種：有大結胃，不按而痛，爲大結胃；大陷胃湯主之。結胃丸最好，較穩，兼丸子，經宿乃下。其陷胃湯恐緊，有小結胃，按之而痛，爲小結胃；小陷胃湯主之。有木結在胃腸間，亦名結胃，但結胃无大熱者，以水結在胃腸間，但頭汗出者，大陷胃湯主之。又有寒熱二證：有寒實，結胃用大小陷胃丸；有寒實結胃，寒實結胃无熱證者，三物白散主之。加減理中丸尤宜用之。近世多行金針丸，用硫黃陽起石者，若寒實結胃行之，或有差。若寒實結胃，行之必死也。又見雜方云：得結胃，傷寒，嘔吐不止，右膈

痞塞諸藥無效，但口中微有氣者，可於臍中灸之。並

錄于此，以備緩急而已。

巴豆七粒，黃連一兩，巴豆去壳，

研細，入黃連末研匀，搗作餅子，按臍中，以艾炷燒之，輕者一炷，重者不過二炷。灸熟透腹中，作

解後，常服和氣藥，立效。又問藏結者何也？藏結者死。仲景無治法。大抵藏結其證如結腫狀，飲食如故，時時下利，陽脈浮，關脉小細沉緊，名曰藏結。舌上白胎滑者，難治也。又曰藏結無陽證，不徃來寒熱，其人反靜，舌胎滑者不可攻也。二者病人腸下舊有痞塊，在臍傍痛引，小腹入陰筋者，亦名藏結，死不治。是所醫人，

可留心也。

第八十二問喘者何也

華佗云盛而爲喘，減而爲粘，大凡發喘者氣有餘故。嘶聲傷寒只有太陽陽明二證太陽喘須表葛根黃芩湯麻黃杏桂枝加厚朴杏子湯麻黃杏子甘草石膏湯縣黃杏仁湯陽明病須下腹滿而喘有潮熱者大承氣主之然陽明中寒脈浮无汗其人必喘亦發汗則愈麻黃湯主之又有發汗後飲水多必喘以木停心下腎氣乘心故喘也小青龍去麻黃加杏仁若脉浮手足微厥而垢背昏愦而喘足爲陰陽不和尚阻升降宜服五味子湯陰證發喘則脈先絕矣

陰毒喘促者與茱萸丹入口便定

第八十三問咳逆者何也

咳逆者古人所謂噦者是也傷寒咳逆雖仲景書中不說非無也孫真人云咳逆遍聳方論無此名稱深究其狀咳逆者噦逆之名大抵噦者胃中虛冷故也橘皮竹茹湯橘皮湯半夏生姜湯退陰散桂术散並主之服藥無效者雄黃末二錢用酒一盞煎七分急令病人呴鼻其熱氣即止又方用硫黃乳香等分爲末以酒煎更令飲之亦妙法也若咳逆百方不差每至八九聲相連收氣不圓至於聲入者灸之必一咳至八九聲相連收氣不圓至於聲入者灸之必

愈其法婦人屬乳頭向下方盡處骨間灸三壯丈夫及
乳小者以一指爲率正與乳相直間陷中動脈處是
也男左女右艾炷如小豆許

第八十四問嗜卧者何也

風溫爲病多眠必痲萎蕤湯主之太陽陽明嗜卧皆
可與小柴胡若少陰病脉微細但欲寐急作四逆湯
復其陽不可緩也非特少陰也熱病得汗身冷脉細
欲絕其人已安靜但昏沈喜睡亦急與四逆輩令手
足溫不爾熟寐而死若狀如傷寒之尤重忽忽喜
眠須看上下唇上唇有瘡丘餌五齒下唇有瘡丘餌

下部當作狐惑治之

第八十五問不得眠者何也

病人未得汗若心煩不得眠欲飲水者當稍與水令
胃中和則愈若脈浮小便不利五苓散主之傷寒二
三日以上心煩不得卧黃連阿膠湯主之若發汗若
吐若下後虛煩不得眠劇則反覆顛倒心中懊憹者
屬梔子湯若少氣腹滿者屬梔子四逆湯若乾嘔者
屬梔子生姜湯若腹脹滿屬梔子厚朴湯下後復發
汗晝日煩燥不得眠夜則安靜脉沉微身無大熱者
乾姜附子湯主之大熱煩躁錯語不得眠黃連解毒

湯汗解因飲酒復劇煩悶乾嘔口燥呻吟錯語不得
睡亦宜服之傷寒吐下後心煩乏氣晝夜不眠酸棗
湯若少陰証下利而渴不得眠猪苓湯又問傷寒
差後不得睡者何也蓋熱氣未散與諸陽相并陰氣
不復所以仍不得睡黃連芍藥黃芩附膠湯主之

第八十六問大便澀者何也

病人腸中有寒則大便鴨溏益澀者胃中冷木穀不
別故也華佗云寒則澀然周易仲尼曰初鞭後澀有
二證小便不利小便少皆爲木穀下

第八十七問下利者何也

傷寒下利有三種太陽陽明合病。少下利葛根湯主之。太陽少陽合病。自下利黃芩湯主之。黃芩加半夏生姜湯陽明少陽合病必下利。陽明者土。其脈長大少陽者木。其脉弦。若令病土被木賊。更下利。爲胃已。因皆脉不弦者順也。爲土不負負者死。脉滑而數者有宿食。當下之。大承氣湯其餘下利皆經汗下後證也。太陽病桂枝證。醫反下之。利遂不止。脉促表未解也。渴而汗出者葛根黃芩黃連湯主之。傷寒醫下乏續而下利清穀不止。身疼者急當救裏。後身疼痛清便自調者急當救表。桂枝湯。

傷寒十三日不解。胃脹滿而疼。身痛必發。潮熱已。而
微利。此本柴胡下之不得利。今反利者。知醫以丸子
藥。下之非其治也。潮熱者實也。先以小柴胡湯解外。
後以大柴胡湯下之。傷寒十三日過經。譏諭者以有
熱也。當以湯下之。若小便利。病大便常硬而反下利。
麻調者。知醫以丸子藥下之。若自下利者。麻當微弱。
今反和者。此爲實也。調胃承氣主之。太陽中風。下利
嘔逆。表解者可攻之。其人繫繫。汗出。發作有時。頭疼
心下痞。硬滿。引脅下痛。乾嘔短氣。干。惡寒者。此
表解裏未和也。十棗湯主之。傷寒汗出。解之後。胃中

不和心下病硬，乾噫食臭，脇下有大氣，腹中雷利者，生姜鴻心湯主之。傷寒中風，其人下利日數十行，穀不化，腹中雷鳴，心下痞硬，而滿，乾嘔心煩，不得安，依見心下痞，謂病不盡復下之，其痞益甚，此爲結熱，但以胃中虛，客氣上逆，故使痞也。甘草鴻心湯主之。傷寒服湯藥，下利不止，心下痞結者，鴻心湯已復以他藥下之，利不止，醫以理中，與之利益，甚速。調治中焦，而利下焦，赤石脂禹余糧湯主之。復不止者，當利其小便。五苓散主之。太陽病外證未除，而數下之，遂脢熱而利不止，心下痞硬，表裏不解。

者桂枝人參湯主之傷寒發熱汗出而後心下痞不
嘔吐而下利者大柴胡湯主之若病傳到陰經不吐
即利但自利不渴屬太陰自利而渴屬少陰宜先用
黃芩阿膠湯止煩兼預廩利也大抵下利須看脈與
外證下利脉大者虛也下利十餘行脉反實者死下
利脉數而滑者有宿食也下之愈脉遲而滑者實也
其利未得便止當更下之下利三部脉皆平按其心
下硬者急下之三陽下利身熱太陽下利手足自溫
少陰厥陰下利身不熱雖然自利可少加少陰然三
陽下利欲飲水者乃有熱也三陰下利宜溫之然少

陰自利，清木心下痛，口乾燥者，却宜下之。以陰下利，讞語者有燥屎也，亦須下之。不可已矣。要之腸熱利者，脾下必熱，須赤黃色及腸間津汁垢穢，寒毒入胃，則腑下必寒，須黃白色或青黑，或下利、清穀、寒，則用四逆湯。理中湯當歸四逆湯，四逆加薤白湯，熱則用黃蘖湯。調中湯、白頭翁湯、三黃熟艾湯、薤白湯、黃芩芍藥湯、赤石脂丸，下腹血者少陰證，桃花湯、熟毒便血者勝金散、柴皮湯。小兒下血，質衆散，須子細辨識，陰陽勿令差互也。

第八十八問：數日不大便，又有大便難，又有大便

鞭又曰有燥屎何也

傷寒數日不大便大便難及有燥屎皆知用大柴胡
大承氣小承氣攻之然仲景論大便不通亦有數種
不可攻者不可不別也陰結者不可攻也若陰結者
何也答云其脉沉而遲不能食身重大便難名曰陰
結陽明病自汗出若發汗小便自利者此爲津液內
竭雖硬不可攻之當須行大便審導之亦土瓜根及
大猪膽汁皆可爲導陽明病腸下硬滿不大便而嘔
舌上白胎者不可攻之宜與小柴刀二三錢得通津液
得下胃氣因和身濶然汗出而解陽明病不大便六

七日恐有燥屎欲知之法少與小承氣入腹中轉失氣者此有燥屎也乃可攻之若不轉夕夜者此但初硬後必溏不可攻之攻之心腹滿不能食也大便堅小便數不可用承氣湯攻之趺陽脉浮而濡浮則胃氣強濡則小便數浮濡相搏則大便硬其脾爲約麻子仁丸主之千金云脾約者大便堅小便利宜枳實丸太陽陽明者脾約是也大便硬小便少者不可攻也恐津液還入胃必先硬後溏也小便自如乃可攻之當問其小便日幾行若未小便日三四行今已再行故知大便不久出以此知古人慎用轉藥如此金

匱云傷寒病六七日雖不大便傳而无所苦者尤不可下。下之早熱氣來虛入胃輕者難愈重者必死也。

第八十九問小便不利者何也

傷寒發汙後汗出多亡津液胃中極乾故小便不利。醫見小便不利往往利之誤矣類纂云胃中乾則無小便慎不可利。故仲景云下之後復發汗小便不利者亡津液故也勿治之得小便利必自愈或曰小便終不可利耶白不然此謂汗後亡津液耳若傷寒引飲下焦有熱小便不通脉浮者五苓散。酒芩散也。表不解心下有水發熱而咳小腹滿小便不利者小青

龍湯去麻黃加茯苓也。傷寒无汗翕翕發熱頭項強痛小便不利者桂枝湯去桂加茯苓四錢也。嘔而發熱胃腸滿心下怔忪小便不利者小柴胡湯去黃芩加茯苓也。少陰病小便不利者四逆湯加茯苓也。若陰毒傷寒加以小便不通及陰囊縮入小腹絞痛欲死者須是大柴胡急攻之仍可與追陰丹當歸四逆加茱萸姜湯慎勿與尋常利小便藥此是陰氣在小腹故也。世醫見小便不通便以鹽及燥熱藥於臍下熨之欲望小便通不知陰氣在小腹之間致被熱物熨蒸无處出得。即奔上心往往有死者大抵風濕與發黃。

以利小便爲先。風濕甘草附子湯。發黃茵陳湯。陽明汗多。以利小便爲戒。表虛裏實。是故汗多自然。无小便也。又問小便難者何也。陰虛故也。陰虛陽必湊之。是以難也。

第九十問小便自利者何也

太陽證下焦有熱。小腹必滿。應小便不利。而小便反利者。下血證也。抵當湯主之。陽明證自汗出。應小便少。而小便自利者。津液內竭也。大便雖硬不可攻之。當用蜜煎導之。少陰證四逆。而小便自利者。虛寒證也。四逆湯。真武湯。加茯苓。主之。又問小便數者。何

也。腎與膀胱俱虛，而有客熱乘之也。二經既虛，致受於客熱，虛則不能制水，故令數小便。熱則水行滻溢，則小便不快，故令數起也。診其趺陽脈數，胃中熱，即消穀引飲，大便必硬，小便即數也。

第九十一問壞傷寒何也

傷寒已經發汗吐下溫針，仍不解。小柴胡證罷者，即名壞病。仲景云：太陽病三日已發汗，若吐，若下，若溫針，仍不解者，爲壞病。桂枝不可與也。當知何逆隨證治之。又云：太陽病不解，轉入少陽者，脇下鞕滿，乾嘔，不能食。往來寒熱，尚未吐下。其脈沉緊者，可與小柴

胡湯其小柴胡，證罷者爲壞病。蓋証候不煩，又感異氣變成此証。以時令寒暑燥濕風氣不節，脉息與少陽相異，證候與傷寒不同。明當消息其由，以法治之。又傷寒過經再受熱邪，留畜藏府，病候多變而久，不差。陰陽無復綱紀，皆名壞傷寒，無憂散。知母麻黃湯，鱉甲散，黑奴丸，大黃桂心湯主之。

第九十二問狐惑濕監傷寒何也

狐惑與濕監皆蟲證也。初得狀如傷寒或因傷寒變成斯疾。其候默默欲眠目不能閉。夜不安。蟲蝕其喉爲惑。其聲嗄。蟲食下部爲狐也。狐惑之病咽乾惡。

飲食面乍赤，乍白，乍黑，是其證也。由草涼心，渴
白湯，雄黃薰法。赤豆當歸散，黃芩飲，工王之。若病人
齒無色，舌上盡白甚者，唇黑有瘡，四支沉重，忽忽喜
眠者，皆爲蟲五藏及食其肛，須頻看其上下唇。上唇
有瘡，蟲食其藏也。下唇有瘡者，蟲食其肛也。殺人甚
急治，僵桃仁湯，黃連犀角湯，雄黃銳散主之。

第九十三問百合傷寒何也

百脉一宗，悉致其病，無復經絡也。其狀欲食，復不能
食，常默默，欲得卧，復不卧。欲出行，復不能行。飲食或
有美時，或有不快食時。如強健人而卧，不能行。如有

寒如無寒。如若有熱。如尤熱。口苦。小便赤。百合之病。諸藥不効。藥入即吐利。如有神靈。此多因傷寒虛勞。大病之後。不平復。變成斯疾也。百合知母湯。滑石代赭湯。鷄子湯。地黃湯。百合洗方。桔梗牡蠣散。滑石散。主乏十全。曰百合病。見在於陰。而攻其陽。則陰不得解也。復發其汗。爲逆也。見在於陽。而攻其陰。則陽不得解也。復下之。其病不愈。金匱要略。云百合病。見於陰者。以陽法。救之。見於陽者。以陰法。救之。見陽攻陰。復發其汗。此爲逆。見陰攻陽。乃復下之。此亦爲逆。其病難愈。

第九十四問霍亂何也

霍亂有二証。嘔吐而下利名曰霍亂。不吐不下利。腹滿煩悶絞痛短氣名曰乾霍亂。嘔吐下利熱多而渴者五苓散寒多不飲水者理中丸或有寒腹滿痛或四肢拘急或下利轉筋理中丸附子丁枚生用作湯服吐利汗出發熱惡寒四肢拘急手足厥冷者四逆湯吐利止而身體痛不休者當消息和解其外宜桂枝湯少和之中暑霍亂非時吐利心腹撮痛大渴煩躁四肢厥逆冷汗自出兩脚轉筋宜服無比香薷散須井中沉令極冷頻服之乃効扁豆湯治中湯四順附

子湯小艾湯皆妙。乾霍亂者冷氣搏於脾胃，飲食不消，但腹滿煩悶，絞痛短氣，其脾胃先夾食，故不吐利。柳宗元鹽湯紫蘆丸主之。

第九十五問傷寒勞復食復何也

傷寒病新差，津液未復，血氣尚虛，勞動早則病復成。蓋勞則生熱，熱氣乘虛還入經絡，故病復如初。脈浮者以汗解，沉緊者宜下之。渴者五苓散，大抵勞復不宜大段發汗，亦不宜大段下之。爲氣血先已虛也。小柴胡湯、豆豉湯尤良。梔子桂枝湯、枳實梔子湯、竹葉石膏膏湯皆可選用之。熱病已，胃氣尚弱，不能節飲食。

則成食復減食則愈。梔子桂心湯。枳實梔子加大黃湯也。

第九十六 問傷寒不思食何也

陽明病能食，名中風。不能食，名傷寒。不思食，不足怪也。傷寒是熱與雜病不同。病人不思食，醫人謂脾胃不和便服和胃藥，遂令冒熱，疾勢轉增。凡傷寒无和胃之理。

第九十七 問傷寒不得用丸子藥者何也

寒邪流傳，經絡无有定舍。隨經蕩滌猶恐不及，况熱氣無積聚可破，无堅癖可消，固不當用丸子也。仲景

云醫以丸子藥下之非其治也。又問仲景有陷胃丸。麻子仁丸何也。陷胃丸結胃證也。麻子仁丸脾約證也。

第九十八問姪婦傷寒其治法如何

姪婦傷寒白朮散。葱白散。前胡散。大黃湯。知母湯。大青龍湯。地黃湯也。黃龍湯尤。小柴胡去半夏名黃龍湯蓋爲姪婦而去也主產後傷寒熱入胞宮。寒熱如瘡。或狂言見鬼。產前先安胎。產後先補益。次服傷寒藥。若病稍退則止。不可盡劑爲此戒。安胎四物湯。補益當歸建中湯。

第九十九問小兒傷寒其治法如何

小兒傷寒如大人法。但用小分劑藥性微冷耳。小兒病證未會說。難辨當子細別之。尋常風壅發熱。鼻湯痰嗽煩渴惺惺散主之。頭額身體溫熱大便黃而臭。腹中有熱四順散主之。頭額身體溫熱大便帶白。而酸氣者。胃中夾食丁香丸主之。頭額身體壯熱。頭目碎痛心神煩躁。小便赤大便不利。此熱劇也。調胃承氣湯主之。頭額痛身體熱而畏人惡寒。此傷寒證也。無汗者。麻黃黃芩湯有汗者升麻黃芩湯。保生散。七寶散。升麻散。春月小兒疎轉只服大黃川芎散尤佳。慎忌用丸子藥也。

第一百問 小兒瘡疹發熱類傷寒何以別之

小兒瘡疹發熱與傷寒相似。但耳龜及尻尖冷耳並耳後有赤脈。其脈長大身體壯熱或時驚搐以之別瘡疹慎不可轉。若轉則毒氣入裡殺人。即與化毒湯紫草木通湯出得大盛即用犀角地黃湯解之。若出豆不快煩躁不得眠者黃芩甘草主之也。

傷寒百問卷六 大尾

寶曆三年癸酉正月吉旦

大坂心齋播磨慶町

書林 滝川清右衛門